

P. 660, L. 1【通達無量無邊之義】《法華經句解》卷 6：「佛法深妙。一句之中具含多義。善解偈句。旋轉通達。則得無量無邊之義。」(X30,p.596b5-7)《法華經指掌疏》卷 6：「飲大海一掬一滴。俱得百川之味。聞佛經一偈一句。統攝諸法之宗。故能通達無量無邊之義。解是無量無邊義已。如解而說。故能演一句一偈。而至一月一際一歲也。」(X33,p.658a23-b2)

P. 660, L. 2【演說一句至於一歲】《法華經大成》卷 8：「西域歲分三際。謂雨際。熱際。寒際。四月即一際。如此方一季意。演一句偈至一歲者。一真如性。無法不攝。稱性之談。豈止一季一歲哉。剖一塵經。能書三千界事。演一字義。海墨不窮者此也。」(X32,pp.511c22-512a1)《阿彌陀經疏鈔演義》卷 3：「拈一莖草即丈六金身。剖一微塵出大千經卷。普賢身相若虛空。依真而住非國土。一即是多。多即是一。頭頭涉入。剎剎圓通。乃圓教之三寶也。」(X22,p.761c9-12)《大方廣佛華嚴經》卷 51〈如來出現品 37〉：「佛子！如來智慧無處不至。何以故？無一眾生而不具有如來智慧，但以妄想顛倒執著而不證得；若離妄想，一切智、自然智、無礙智則得現前。佛子！譬如有大經卷，量等三千大千世界，書寫三千大千世界中事，一切皆盡。……此大經卷雖復量等大千世界，而全住在一微塵中；如一微塵，一切微塵皆亦如是。時，有一人智慧明達，具足成就清淨天眼，見此經卷在微塵內，於諸眾生無少利益，即作是念：『我當以精進力，破彼微塵，出此經卷，令得饒益一切眾生。』作是念已，即起方便，破彼微塵，出此大經，令諸眾生普得饒益。」(T10,p.272c4-22)《華嚴經行願品疏》卷 1：「一字法門。海墨書而不盡。一毫之善。空界盡而無窮。」(X05,p.48b22-23)此言華嚴大經，功德浩博，不可測量、不可稱說；以此理推知，虛空有盡，法界無窮，一句一偈，其義亦無窮盡也。

P. 660, L. 3【不違實相、皆順正法】《法華經大成》卷 8：「萬法唯心。以實智了知。無非正法。瞬目揚眉。語默動靜。皆合乎道也。寶積見屠子而有省。樓子聞姪辭而悟道。知一切法。即自心性。世諦語言。皆順正法也。」(X32,p.512a2-5)《法華經大成音義》：「盤山寶積禪師。嗣馬祖。因於市肆行。見一客人買猪肉。語屠家曰。精底割一斤來。屠放下刀叉手曰。長史那箇不是精底。師於此有省。見宗門統要。並禪宗正脉、指月錄。…樓子和尚。未詳法嗣。一日

2022/9/20

偶經遊街市間。於酒樓下整襪帶次。聞樓上唱曲云。你既無心我也休。忽然大悟。因號樓子焉。見禪宗正脉。並指月錄。」(X32,p.560c9-16)《法華經授手》卷 8：「由意根精。了達無量義也。九旬談妙。蓋得諸此。…證意實相。則諸所說法。無非實相。故不相違背。雖說俗事。亦順正法。解是義者。即一句中解無量義。故演此一句。得至歲月不盡。所以華嚴云。於一文字語言中。演說無邊契經海。正此義也。俗間經書。即五經諸史等。治世語言。即調理陰陽安置邦國等。資生業者。即醫卜數命經營田疇等。凡所發言。無不與理契。此皆意具圓說之功耳。」(X32,pp.781c22-782a7)《阿彌陀經疏鈔》卷 3：「問：豈得稱名便成實相？答：實相云者。非必滅除諸相。蓋即相而無相也。經云。治世語言。皆與實相不相違背。云何萬德洪名不及治世一語。一稱南無佛。皆已成佛道。何況今名理一心也。」(X22,p.662a16-20)《阿彌陀經疏鈔演義》卷 3：「豈得稱名便成實相者。以稱名念佛。念念起滅。是生滅相。念時則有。不念則無。是空有相。能念是心。所念是佛。是能所相。稱佛名號。以心緣歷。是言說名字心緣等相。何言即實相耶？答曰：謂實相者。非為滅除諸相。而談實相。即相無相。名實相也。治世語言。皆與實相不相違背者。以證意實相。則諸所說法無非實相。故不相違背。雖說俗事亦順正法也。經云。以是清淨意根。乃至聞一偈一句。通達無量無邊之義。能演說一句一偈。至於一月四月乃至一歲。諸所說法。隨其義趣。皆與實相不相違背。若說俗間經書。治世語言。資生業等。皆順正法。」(X22,p.773b5-15)

P. 660, L. 4【皆悉知之】《法華經授手》卷 8：「要解云。此明意根知機。由意清淨故。通於他心也。所行者。尋常心也。動作者。感變心也。戲論者。分別心也。上是凡心通達。此是經功勝力。未得無漏慧者。不能如佛無漏。而持經勝福。聖性冥通。則凡有思量。皆合佛語也。」(X32,p.782a9-15)《法華經玄贊要集》卷 34：「言或身語意者。心之所行配身業。心是能行。身業是所行也。心動作配語業。心是能動作。語業是所動作也。心所戲論意業也。戲論即言說分別也。法為所分別。心為能分別。故言心所分別也。」(X34,p.895b19-23)

P. 660, L. 5【皆是佛法】《靈峰蕩益大師宗論》卷 3：「圓教 知一切法皆是佛法。法界實相，性相常住。一色一香，無非中道。生死即涅槃，煩惱即菩提。

遍能破除一切世出世法，遍能建立一切世出世法，遍能統攝融貫一切世出世法。」(J36,p.318a9-12)《金剛般若波羅蜜經講義》卷4：「前半部是明一切皆非，(如曰：『非法非非法』、『有住則為非住』)以顯般若正智之獨真。蓋此智本一塵不染，而一切相莫非虛幻。故應一切不住，而後正智圓彰也。後半部是明一切皆是，(如曰『諸法如義』、『一切法皆是佛法』、『是法平等無有高下』)以明般若理體之一如。蓋此體為萬法之宗，故一切法莫非實相，故應菩提亦不住，而後理體圓融也。由是觀之，一部金剛經所詮者，真如二字而已。」(B07,p.569a5-8)

**P. 660, L. 6【偈】**《法華經疏》：「次頌十一偈通為五重：初一偈頌知法。次一偈頌得辯。次兩偈頌察心。次四偈頌說法。後三偈頌結。能說法四偈。一偈頌受持說。一偈頌不倒說。一偈頌次第說。一偈頌無畏說。次三偈頌結能。一偈結體相。一偈美地位。一偈讚善巧。」(T85,p.188c21-26)

**P. 660, L. 7+8【上中下法、次第】**《法華經授手》卷8：「上中下。即三乘法。前于一句達無量義。則三乘法。在其中矣。」(X32,p.782a18-19)《法華經演義》卷6：「上中下法。若一往則以三乘為上中下。就文尅論。即三周為上中下也。乃至二句。頌上一句『一偈無量無邊義』耳。次第二句。正頌三乘等法也。」(X33,p.260b9-11)《演義》將「上中下法」與「次第法」分開解釋。

**P. 660, L. -4【知諸法相等】**《法華《法華經大窾》卷6：「偈中知上下。頌知法也。『是世』下。頌知機也。『十方』下。聞佛說法。受持思惟。至於為眾演說。皆不錯也。『以持』下。出不錯之所以。由受持此經故能知法相。由知法相故能了義趣。由了義趣故能識次第。由識次第故能達名言。由達名言故能隨機說法。由能隨機說法故雖世諦語言皆順正法。由順正法故處眾而無畏也。安住希有地者。謂此能持正法者。其所處地位。與諸佛菩薩把手共行。高出天人之外。為一切眾生歡喜愛敬也。」(X31,p.802c10-18)

**P. 660, L. -1【安住希有地】**《法華經通義》卷6：「總言六根清淨如此。為希有地也。」(X31,p.583b10-11)《法華經科拾》卷6：「安住希有地者。前云。此經於無量國中。乃至名字。不可得聞。何況得見受持讀誦。正顯此法之希有。」

2022/9/20

故能持此經者。雖未得無漏意根。便得聖人之用。此則因持希有法。得住希有地耳。」(X33,p.415a5-9)《法華經演義》卷 6：「住希有地者。此經於已今當說之中。甚為希有。即其所住之地。亦復是希有也。此經九界同歸佛界。三乘咸會一乘。所以安住希有之地。為一切所敬也。」(X33,p.260c4-7)

P. 661, L. 1【持法華經故】《法華經大成》卷 8：「『是人』下。結顯利益。意根亦具五意之用。世間治世皆順正法。即人意淨。天所行天所作。即天意淨。聞一句通無量義。即慧意淨。與實相不違背。即法意淨。籌量皆佛說。即佛意淨。詳此品。雖談所得功德皆歸功於此經。由持說此經。冥契實相。入佛知見。脫去情塵。六根清淨。以清淨根。照清淨境。遂見山林周匝。禽獸鳴叫。殊形異意。無非實相。無非妙法。即一身而圓證。遍六處而常彰。本不欠缺。曾無窒礙。受持讀誦妙法華經者。於此宜盡心焉。」(X32,p.512a12-21)